

Ineriartorneq malinnaaffigiinnanngilarput. pilersitseqataavugummi

SULISITSISUT (GE) tassaavoq Kalaallit Nunaanni suliffeqarfiit sulisitsisullu suliniaqatigiiffisa erseqqinnersaat. Suliffeqarfiimmi amerlanerpaartaat sinniisuuffigaagut tunuliaquttalu ilaatut ippuq nunatsinni suliffeqarfittut aningaasat kaaviaartitaasut 80%-ii. Taamatullu inissisimanerup SULISITSISUT suliffiusuni qitiusutut inissisimalertippaa aamma oqartussaaffiit politikikkullu aqutsisuusut tungaannut.

SULISITSISUT PEQATIGIIFFIATA Kalaallit Nunaat tamaat suliffigivaa tunaartarilluinnarlugu inuussutissarsiornerup sapinngisamik pitsaanerpaamik sinaakkusersuiffigineqarnissaa anguneqarnissaa. Tassa, SULISITSISUNI ilaasortaaneq inuussutissarsiornerup ineriartortinneqarnerani sunniuteqarsinnaanermut matuersaataavoq aammalu soqutigisaqatigisanut nukittorsaataasumik peqateqalernissamut aqutissaalluni.

SULISITSISUT inuussutissarsiornermi periarfissat pillugit ilisimasaqarnermi qituvuq. SULISITSISUT allaffeqarfia ukioq naallugu suliffeqarfinnut ilaasortaasunut siunnersuinissamut ilitsersuinissamullu piareersimajuarpog, apeqqutaatinnagit apequtiginiakat ulluinnarnut tunngasuullutik mikisuunersut, inatsisinut attuumasuteqarnerisut imaluunniit aningaasaqarnermut tunngasuunersut.

SULISITSISUT suliniaqatigiiffiuvuq nutaaliaasoq pingaarnertut imaralugit ilaasortanik kiffartuussinerit, sunniiniarnermik suliaqarnerit aammalu siunnersuisarnerit. Inuiaqatigiit isigalugit inuussutissarsiornikkut ineriartorneq suliaavoq qaaffasilluinnartumik pingartinneqartoq. Taamaattumik SULISITSISUT pikkorissaanernik, ataatsimeersuarnernik, paasititsiniaanernik, ilisimasassarsiorlunilu nunanut allanut aallartitaqartarnermik suliaqartarpoq.

SULISITSISUT takorluugai pisariaqartinneqarneralu

SULISITSISUT katersuuffiujumavoq nukittoq nu-ngusaataannngitsumik ineriartortitsinissamut qularnaveeqqusiumasoq, suliffissanik nutaanik, pitsaasunik ilinniagaqarsinnaanernik, aningaasaqarnikkut ineriartortitsinissamik Kalaallillu Nunaanni atugarissaarnissamik pilersitsinissamik kissaateqartoq. SULISITSISUT inuiaqatigiinni akisussaaqataasuuvuq, oqallitsisitsisar-tuulluni, iliuseqartarluni angusaqartarlunilu.

SULISITSISUT aallarnisaasartuuvuq suliffeqarfinnullu tunngasut politikikkut oqallisaalersittarlugit. SULISITSISUT ilisimasanik nutaanik qalluisarpoq, suliffeqarfiit ilaasortarisat politikikkut ingerlanneqartunut sunniuteqarnissamut aqutissiuussillutillu ikiutaasunik. SULISITSISUT inuiaqatigiinni akisussaaqataalluni sulivoq.

Kalaallit Nunaanni inuutissarsiorneq

Kalaallit Nunaat ineriartupiloorpoq. Tamannalu ukiumi aggersuni inuussutissarsiornermut qulequttanik nutaanik pilersitsisussaavoq. Inuussutissarsiutit nalinginnaanerusut, soorlu aalisarneq, avammut tunisassiorneq, niuerneq, kiffartuussineq, IT, tusagassiutit, akunnittarfiit takornarialerinerlu, aallarnisaasarneq, inissialiorneq sanaartorerillu, assartuineq siunnersuinermillu suliaqarnerit aallunnerisa saniatigut aatsitassarsiorneq aatsitassanillu piaaneq tassaapput inuussutissarsiornermi ingerlanneqartut nutaat siuariartortut.

Silaannallu allanngoriartornera Kalaallit Nunaata nunatsinnilu inuussutissarsiornerup unammigussaasa akornanni nutaajuvoq taamallu aamma ineriartornissamut allisaanissamullu periarfissanik nutaanik ammaassisuulluni.

SULISITSISUT- ineriartornermi

salliusutut inissisimavoq

SULISITSISUT 1966-imili inuussutissarsiornermit soqutigisarissat suliarisarlissimavai.

Suliffeqarfiit 350-it missinginik amerlassuseqartut 7.000-illu pallillugit sulisoqartut nunatsinnilu suliarineqartut tamangajaasa sinnerlugit siammasissuseqartut ilaasortarivai. Tamakkulu ilai mikisuupput, iliai akunnattuullutik ilaalu angisoorsuullutik, nunarsuarmi sumiluunniit sulianik ingerlataqartuusut.

SULISITSISUT suliffeqarfiit suliai aallaavigalugit ataatsimiititaliaqarpoq 10-nik amerlassuseqartunik: Sanaartornermik suliaqartut. Innaallagialerinermik VVS-iilerinermillu ingerlataqartut. Aatsitassalerisut. IT-lerisut, attaveqarnermik tusagassiornermillu ingerlatsisut. Namminersorlutik inuussutissarsior-tut. Kiffartuussinermik assartuinermillu suliaqartut. Akunnittarfiit, neriniartarfiit takornarialerisullu. Aalisarnermik avammullu tunisassiornermik suliaqartut. Teknikikkut siunnersuisartut. Niuertarfillu.



Sulisitsisut

Postboks 73
Jens Kreutzmanipp Aqq 3.
3900 Nuuk - Kalaallit Nunaat
+299 32 15 00
www.ge.ga.gl - ga@ga.gl



Naatsumik saqqummiullugit

Kalaallit Nunaanni Sulisitsisut Peqatigiiffiat (GE) pillugu



Soqutigisaqatigiiffik

Soqutigisaqatigiiffittut SULISITSISUT inuusutissarsiornermi sinaakkutissat sapinngisamik pitsaanerpaat pilersikkumallugit politikkikkut ingerlatsiviit sunnernerlugit sulisarpoq.

SULISITSISUT Namminersorlutik Oqartussat ataani siunnersuisoqatigiinni, ataatsimiitaliani nævninilu aaliangersimasumik ingerlasuni 20-it missingini issiaqataavoq kiisalu SULISITSISUT Naalakkersuisut inatsisiliassanik suliaqarnerinut atatillugu tusarniaasarfattut inissisimavoq.

Sulisitsisut suliniaqatigiiffiat

SULISITSISUT sulisitsisut suliniaqatigiiffiat inuiaqatigiinni suliffiusuni aaq-qissuussaasumik tunngavissaqarnissaat isumannaarinariva. Taamaattullu anguniarneqartarput pingaarnertut isumaqatigiissuorneritigut aammalu SIK-mik sisamanik immikkoortunik isumaqatigiissuteqarnikkut.

Taakku tassaapput sanaartormik suliaqartunut, niuernermik allaffissornermillu suliaqartunut, tunisarsiornermik ingerlataqartunut aammalu assartuernerik kiffartuussinermillu suliaqartunut isumaqatigiissutit.

SULISITSISUT aamma pingaarnertut aningaaservinnut atatillugu isumaqatigiissuteqarfigiva, Danmarkimi Aningaaservinnik Nakkutilliisoqarfik.

Inuusutissarsiutit nutaat iluini akuliusimalluni inuutissarsiornermik ineriartortitsineq

SULISITSISUT inuusutissarsiornerup ineriartormerani maanna ingerlasut nutaatullu aallartittussat iluini akuliusimalluni sulinissamut pisussaaffeqartitaavoq, soorlu assersuutigalugit aatsitassarsiornermik kalaallillu nerisassiaannik tunisarsiornermut sammisut eqqarsaatigalugit.

Taamaattumik SULISITSISUT ilisimasassanik katersillutinilu nunatsinnut attavissarsiuussisarpoq, attaveqarfissanik ujartuulluninunanilu allani sammi-vinni assigiinngitsuni misilittaartunik suliffeqarfinnillu attaveqarfissanik pilersiorartarluni. Taamatut iliornerit ingerlanneqarput kalaallit suliffeqarfii sapinngisamik siunnessami piomasagaataalersussanut piareersimatikkumallugit.

Sulisitsisut pingaarnertut sammisai sisamaasut

Kiffartuussinermut suliniaqatigiiffik

SULISITSISUT kiffartuussinermik suliniaqatigiiffittut inatsisitigut aningaasaqarnermullu tunngasutigut suliffeqarfinnut ilaasortarisaminut siunnersuisartuuvuq. SULISITSISUT pisariaqartitsineq naapertorlugu suliffeqarfii sammiviini assigiinngitsuni kisitseqqissaarneq atorlugu paasissutissanik suliaqartarpoq aammalu inatsisiliornerit atatillugu ilitsersuusiortarluni.

Branchet, sumifinni peqatigiiffiit, attaveqarfii

Suliffeqarfii SULISITSISUNI ilaasortaasut attuumassuteqarneri branched makkununga aggulugaasumik ilusiligaapput:

- Sanaartormik suliaqartut brancheannut
- Aatsitassarsiornermik sammisaqartut brancheannut
- Namminersorlutik inuusutissarsiuqartut branchiannut
- Innaallagialerisut VVS-ilerisullu brancheannut
- IT-lerisut, attaveqarnermi suliaqartut tusagasiortullu brancheannut
- Kiffartuussinermik assartuinermillu suliaqartut brancheannut
- Akunnittarfii, neriniartarfii takornialerisullu brancheannut
- Allisarnermik avammullu tunisarsiornermik


ingerlataqartut brancheannut

- Teknikkikkut siunnersuisartut brancheannut
- Niuertarfutiitit brancheannut

Branchet tamarmik brabcheudvalginit aquneqarput, tallimanik ilaasortaqartunit branchet iluini ilaasortanit qinerneqartunit. Brancheni siulittaasut SULISITSISUT siulersuisuini aalianger-simasunik ilaasortaasuulersarput.

Sumiifinni peqatigiiffiit

Suliffeqarfii SULISITSISUNI ilaasortaasut sumiifinneesuuneq tunngavigalugu suliniaqatigiiffimmu ilanngunneqartarput, tassa SULISITSISUT nuna tamakkingajallugu peqatigiiffeqarmat. Taamatut ilusilkiinikkut sumiifinni suliffeqarfii soqutigisaat isumagineqartarput.



Minutsit marluk atorlugit sulisitsisut suunera paasiuk

SULISITSISUT qallertut oqartussaasuat tassaavoq aallartit ataatimiinnerat, ukiuni akunnattuni, tassa ukiut allortarlugit, ingerlanneqartarpoq.

Aallartit ataatimiinneranni qinerneqartarput siulersuisuni ilaasortaasussat arfinillit, taakku kommunini ataasiakkanni suliffeqarfinnut ilaasortasunut sinnisuupput.

SULISITSISUT siulittaasussaat aallartit ataatimeersuarneranni qinerneqartarpoq. Tassa siulersutsut 17-iusut katitigaapput brancheud-valgini siulittaasunik 10-nik kommunit ataasiakkaat sinnisuuninik 6-iusunik kiisalu siulittaasumik.

Siuleersuisut SULISITSISUT pisortassaani atorfinitsitsisarput, taassumalu allattoqarfik peqatigalugu, suliniaqatigiiffup uluinnarni suliasai aqqissortarpei.

Ilaasortaaneq

SULISITSISUT taamaallaat suliffeqarfii ilaasortatut tigusarpai, taakku sulinerminnik Kalaallit Nunaanni ingerlatsiugaangata. Suliffeqarfiillu ilaasortaaneerminnut tunngaviumik akiliuteqartarput saniatigullu aningaasarsiarititatik tunngavigalugit akiliuteqartarlutik.

Attuumassuteqartut ilaasortaaneq

Suliniaqatigiiffiit nunanilu tamalaani suliffeqarfii, ilaasortaansammumt piomasarisatut inissisimanngitsut, SULISITSISUNI attuumassuteqartut ilaasortaannorsinnaatitaapput. Tamanna periarfissuutaavoq isumannaarumallugu nunarsuaq tamakkerlugu attaveqarissaq.

Ukiunut 31. december 2019 tikillugu ukiumut 105,31 mill. Kr.-t tikillugit aningaasarsiaritaasartut tunngavigalugit akiliutiginetartarput. Tamatuma kingorna taaneqartut akiliutaasartoq forbrugerindeks naapertorlugu qaffatsinneqartarpoq.

SULISITSISUT nunatsinni nunanilu allani attaveqarfii

SULISITSISUT nunarput tamakkerlugu attaveqarpoq, aammali suleqatinut Kalaallit Nunaata avataani itnunut attaveqarlunittaap. Taamatut inissisimanermigut SULISITSISUT isumannaarsinaavaa suliffeqarfii ilaasortarisat pitsaanerpaamik nutaanerpaanillu kiffartuussiffiginnaaner siunnersorsinnaanerallu.

SULISITSISUT Danmarkimi suleqatigisaat tassaapput Dansk Byggeri, Dansk Erhverv, Dansk Industri, Arctic Cluster aamma Raw Materiels,

Tekniq aammalu HORESTA.

SULISITSISUT ilaasortaaffigivai nunani tamalaani suliniaqatigiiffiit attaveqarfii makkusut: PDAC, ukiut tamaasa nunarsuaq tamakkerlugu peqataaffigineqartumik, nunarsuarmilu aatsitassarsiorneq aatsitassalerinerlu pillugit saqqummersitsisarfiit annersaanik, aqqissuisartoq, Offshore Center Danmark, MSC Fisheries, nungusaataanningsumik aalisarnermik isumannaarinninnermik suliaqarfusoq, aammalu Grønlandsk-Islandsk Handelskammer.

CSR Greenland

CSR Greenland, FN-ip nunarsuaq tamakkerlugu anguniagassatut siunniussai 17-iusut tunngavigalugit suliffeqarfii inuiaqatigiinni akisussaqa-taanagerat pillugu siunnersuisarfik, SULISITSISUT Nuummi illuutaani allattoqarfeqarpoq.

Ilaasortaaneermut akiliutit apriliip 1-at 2019 aallarnertigalugu

Suliffeqarfiup suliai	Tunngaviumik kvartalimut akiliut	Sulisut akissarsiaasa katinnerat aallaavigalugu akiliut, ukiumut akissarsiat katinnerat 1.000.000 sinnerpagu
Sanaartormik suliallit *	1.500	0,5%
Innaallagialerineq aammalu ruujorilerineq **	1.500	0,5%
Entrepreneur, tunisassiorut aammalu aatsitassalerisut *	1.500	0,5%
Teknikkimut tunngasuni siunnersuisartut *	1.500	0,5%
Akunnittarfii, Neriniartarfii takornariaqarnerlu ***	1.500	0,5%
Niuerneq	1.500	0,5%
IT, Attaveqatigiinneq tusagassiutillu	1.500	0,5%
Service og transport	1.500	0,5%
Kiffartuussineq assartuinerlu	1.500	0,5%
Niuertarfeqarneq	1.500	0,5%

* (Dansk Byggeri ilaasortaasinnaasoq)

** (Teknikimi ilaasortaasinnaasoq)

*** (HORESTA-mi ilaasortaasariaqartarpoq).

2020-mi januaarip tungaanut akissarsiat annertussaat apeqqutaatillugu 105,31 million koruunit angullugit ilaasortaaneermut akiliisoqartarpoq: taassuma kingorna atuisuunerit nalileeriaasaq najoqqutarlugu annertusineqartassaaq.

Taaseqataasinnaanani ilaasortaaneq

Kvartalimut 2.500

Suliniaqatigiiffiit nunaqavissut taamatuttaaq suliffeqarfii nunanit allaneersut Sulisitsisunut ilaasortannorsinnaapput, immikkut piomasagaatit siulersuisut aalajangersagaat malillugit. Taakku toqqaannartumik kattuiffimmi nalunaarsorneqartassapput Sulisitsisuni qinersinerni il.il. sumiluunniit taasinnaanatit aalajangeeqataasinnaanatillu.

Suliniaqatigiiffiit nunaqavissut nunanillu allaneersut taamatuttaaq suliffeqarfii nunanit allaneersut ukiup sisamararterutaanul ilaasortaaneermut akiliutaat 2.500 koruuniussasoq aalajangersarneqarpoq. Ukiuni ataatimi akissarsiat katinnerat tunngavigalugu ilaasortaaneermut akiliisoqartassanngilaq.

Attuumassuteqartut ilaasortat suliniaqatigiiffiillu taamaallaat hovedforeningimut attuumassuteqartut nalunaarsorneqartarput, taamaattumillu SULISITSISUNUT attuumassuteqartunik qinersinerni, aalingiinerni il.il taaseqataasinnaatitaanatit.

Attuumassuteqartut ilaasortat kvartalimut 2.500,- kr.-nik akiliuteqartarput. Attuumassuteqartut illaasortat aningaasarsiatut aningaasartuutit tunngavigalugit akiliuteqartitaaneq ajorput.